

親子

追女秘笈

《親親爹地》



▲歐偉民為自己成功塑造爸爸的新角色而感到自豪。

這書作者耀中語藝教育中心校長歐偉民認真搞鬼，竟然想盡辦法奪取女兒的芳心。他笑言：「做爹哋嘅，唔似媽咪有懷胎十月、血脈相連嘅優勢，唔諗吓計仔，就有晒地位喇啦！」

歐偉民七年前初為人父，女兒完全被老婆、外母、三姑六婆霸住，佢就淪為「Assistant to Mother」嘅二打六角色，於是佢想辦法突围，結果成功搶灘！秘訣只得一個：「要當佢係你女朋友！」

好認同他的講法，女人無論老嫩，都鍾意人啲，亦喜歡男人估佢諗緊乜。書中有兩招最啱用，一是每日放工返到屋企，攞實女兒講：「我愛你！我今日好掛住你呀！」二是不時單獨約會呢位小女友，為她製造驚喜。你話擔心女兒會恃寵生驕？歐偉民話，錫女之餘亦要教女，但正正因為父女關係好，女兒會好受教。「綽琳兩歲多試過唔誠實偷提子食，我就解釋俾佢聽，講大話係唔啱嘅，到依家佢都有再講大話。」書中有很多追女、教女秘技，各位爹哋，學嘢啦！

教仔天書

《天農百部》

作者：古天農
出版社：商務
(1號展覽廳1E20-04)
定價：\$58



這書是中英劇團藝術總監古天農推介讀過的100本親子好書。最初都擔心書評會好悶，但睇完卻唔覺。他把家長最關心的問題，例如子女的語文學習、大腦訓練等，分為6個章節，每個章節都加入自己的看法，最後介紹相關的書籍。

好同意古天農話把童年還給孩子，他批評現在的家長只識叫子女讀書補習，又建議父母看《愛因斯坦不玩識字卡》，從中了解遊戲對孩子未來發展的重要。

自遊行guidebook

親親東京09-10

作者：黃慧雯
出版社：親親創意
售賣點：泛華發行代理
(1號展覽廳10-16)
定價：\$78(書展期間8折)



香港一直缺乏親子遊guidebook，作者睇中市場需要，寫了首本親子旅遊書。

全書搜羅逾五十間東京的遊樂場、動物館等最啱親子玩的熱點，以圖片為主，配合精簡文字介紹，內容實用。最難得係包括旅遊書從沒提及，但日日大排長龍的Kidzania職業體驗城，每個參加步驟都寫得好清楚，小朋友讀完跟住做便可。■

選

鬼馬的歐偉民話，新書係女下個月的神秘生日禮物，咁有心思，這個爹哋追女仔果然有一手。



有個咁錫自己的「男朋友」，你睇得幾幾解！

作者：歐偉民
出版社：青森文化
售賣點：紅出版
(1號展覽廳1B07-30)
定價：\$60(書展期間8折)
簽名會
日期：7月24日
時間：5pm-6pm
地點：紅出版(1號展覽廳1B07-30)

選校必讀

《全港幼稚園及小學入學指南》

孩子升幼稚園或小學，家長最關心心儀學校的教學特色、師資、收生程序等情報，這書有逾1,400間學校資料，清晰易睇。最緊要有校長、專家的面試貼士，夠晒實際。

書展期間，剪下這則報道加\$48，到壹出版攤位就可換購，仲送書籤、玉米片及成長量度摺尺，計落幾着數！

作者：忽然1周
出版社：壹出版(1號展覽廳1A02-16)
定價：\$118(手持這則報道，可以\$48換購)

